



ԽՕՍՔ ՆՈՐ ՏԱՐՈՒԱՅ ԱՌԹԻ ՀԱՅԱՍՏԱՆԻ ԵՒ ԱՐՑԱՆԻ ՀԱՅՈՒԹԵԱՆ

Սիրելի ունկնդիրներ,

Հաւատացեալ և հաւատաւոր հայորդիք,

Ահա ողջ աշխարհի մարդկութեան հետ միասին հրաժեշտ ենք տալիս այսպէս ասած «Հին» Տարուան և բարի գալուստ ենք մաղթում «Նոր» Տարուան: 1998 թուանշանով հանգուցում է մեր կեանքը ժամանակի տարածքում, մարդկային կեանքի պատմութեան բազմահանգոյց շղթայի վրայ: Բացում է մի նոր ժամանակահատուած. գալիք 366 օրերին մեր աչքերը հանդիպելու են 1998 թուին և մեր ձեռքերը արձանագրելու են 1998 տարեթիւը:

Ձեզ բոլորիդ համար այս Նոր Տարին սովորական մի դէպք է. ոչինչ կայ հիմնականօրէն տարբեր նախորդ Նոր Տարիների նշման աւանդական սովորութիւնից: Ինձ համար, սակայն, տարբեր է այս Նոր Տարին: Ես անձնապէս և որպէս

Կաթողիկոս Ամենայն Հայոց իմ կենսքում առաջին անգամ լինելով աչքերս բանալու եմ արևին, մի Նոր Տարուայ ծագումին, իմ հայրենիքում: Իմ նո՛ր հայրենիքում, իմ վերանկախացեալ Հանրապետութիւնում, որպէս Հայաստանի լիիրաւ և լիապարտք քաղաքացի, իմ հին, բայց յաւերժօրէն նոր Մայր Աթոռ Ս. Էջմիածնում, որպէս միաբան-անդամ և Հոգևոր Հայրը Ամենայն Հայոց Կաթողիկոսութեան ուխտեալ և զինուորեալ Միաբանութեանը:

Առաջին հերթին սրտի խոր բերկրանքով և առ Աստուած գոհութեան զգացումով ողջունում եմ ձեզ բոլորիդ և Նոր Տարուայ իմ առաջին բառերը փոխ եմ առնում Աստուածաշունչ մատենանից և ասում.

«Տէ՛ր, եթէ զշրթունս իմ բանաս՝

Բերան իմ երգեսցէ զօրհնութիւնս Գո»:

Այո՛, ճշմարիտ մարդ էակի առաջին զգացումը՝ առ Աստուած երախտագիտութեան և հաւատարմութեան զգացումն է. դա արարած էակի Արարիչ Էակին ուղղուած գոհաբանութեան և փառաբանութեան արարքն է, որով մարդ կարող է արտայայտել իր վաւերական մարդ-ութիւնը, մարդ լինելու արժանիքը:

Այդ նոյն զգացումով այժմ բառերը փոխ առնելով մեր ամենէն հոգելից և ներհայեաց բանաստեղծ Հայրապետից՝ Ներսէս Շնորհալուց՝ ձեզ հետ միասին ասում եմ.

«Առաւօտ լուսոյ ,

Արեգակն արդար,

Առ իս լոյս ծագեա:

.....

Նորոգող հնութեանց,

Նորոգեա՛ և զիս,

Նորոգ զարդարեա՛»:

Նոյն Հայրապետի նոյնախորհուրդ բառերով դառնում

եւմ ձեզ՝ հայրենակից ու ճակատագրակից եղբայրներ և քոյրեր,
և ասում եմ.

«Զարթի՛ք, նո՛ր ժողովուրդ,

Նոր երգս առեալ Նորոգողին,

ալելուիա՝:

Այո՛, նորոգութեան պատգամն է, որ հնչում է այսօր մեր
ականջներին և սուլւում մեր հոգիների խորքում: Նոր Տարին
ինք իր մէջ ոչինչ ունի նոր. ժամանակը նոյնն է երէկ և այսօր:
Ուրիշ արեւ չէ, որ ծագելու է երկնքում 1996-ի առաջին
առաւօտուն: Նորոգութիւնը մե՛ր մէջ, մեր ներաշխարհում ենք
որոնելու և իրագործելու: Ներքին հոգևոր, բարոյական, մարդ-
կային և ազգային ապրումների մէջ բխրեղացում է հարկաւոր,
որպէսզի կարողանանք լինել հաւատարիմ մեր իսկութեանը,
մեր պարտաւորութեանը և մեր հարապա՛տ մարդու, և՛ հա՛յ
մարդու, Հայաստանի մեր սեփական պետութեան քաղա-
քացու ինքնութեանը, հին տարուան հետ մեզնից դուրս
վանելով ինչ որ ժամանակն ու առօրեայ կեանքի պայման-
ները փոշիի նման կպցրել են մեր ինքնութեան և ինքնաբ-
նականութեանը վրայ:

Նորոգութեան այդ հրամայականին ներքեւ, ես առաջին
հերթին նայում եմ ի՛մ մէջ: Հարց եմ տալիս ես ինձ. – Ո՞ւր էի,
և ի՞նչ էի սրանից մէկ տարի առաջ, և ո՞ւր եմ և ո՞վ եմ այսօր,
1996-ի շեմին: Սիւս հին ամիսներ սահեցին անցնող տարուայ
ընթացքում, որ ես շնչեցի, ապրեցի և գործեցի իմ հայրենական
հողի վրայ, մեր բոլորի կողմից Սրբութիւն Արքոց ճանաչուած
Հոգևոր այս Տան՝ Ս. Էջմիածնի հոգեվայրում, իմ ուսերի վրայ
շալակելով Հայաստանեայց Եկեղեցու առաջին սպասաւորի
Ժանրագոյն պարտականութիւնը, մեր պատմութեան այս
շրջադարձային հանգրուանում:

Առաջին և բնական պարտաւորութիւններիցս մէկը հա-
մարեցի ճանաչել, կենդանի հաղորդակցութեամբ, Հայաստա-

նի մեր ժողովրդին և ճանաչուել նրանից, մեր Տիրոջ՝ Յիսուսի խօսքի համաձայն. «Ծառաչեմ զիմսն և ճառաչիմ յիմոցն»:

Սիրելիք, եկեղեցին ժողովո՛ւրդն իսկ է, Զրիստոսով իրար միացած և քրիստոնեական հաւատքով ապրող: Չէի - և չեմ - կարող այդ ժողովրդին ծառայել առանց նրան ճանաչելու: Սեա այս մտքով՝ կատարեցի հովուապետական այցելութիւններ Շիրակի, Արցախի, Գուգարքի, Այրարատեան Հայրապետական թեմի, Երևան մայրաքաղաքի և շրջանների ժողովրդին, եղայ մինչև Մոսկուա, Վրաստան, Օդեսա և մի քիչ անդին՝ նաև Ռումինիա: Չգացի մեր ժողովրդի հոգևոր և ապգային կեանքի տրոփը իմ երակների տրոփի մէջ:

Որոշ աշխատանքներ տարուեցին Մայր Աթոռի սիրտը հանդիսացող Հոգևոր Ճեմարանի, նախկին և հռչականուն Գէորգեան Ճեմարանի առաքելութեան, այսինքն՝ հոգևորական սպասաւորների պատրաստութեան, կապմաւորման վերաշխուծացման այնքան կենսական մարզում: Փառք Աստուծոյ, որ նոր երիտասարդ ոյժեր ընդառաջ գնացին Աստուծոյ կոչին և մեր ժողովրդի կարիքներին՝ իրենք իրենց ընծայելով Եկեղեցու սպասաւորութեան սուրբ գործին: Նոր թափ տրուեց քրիստոնեական դաստիարակութեան, մեր ժողովրդի կեանքի բարոյական հիմքերի առողջացման համար քրիստոնեական կրօնի ուսուցումներին տարածման հիմնական գործին: Եօթանասուն տարիների ան-կրօնական, մանաւանդ հակա-կրօնական, ընդարմացնող գոյավիճակից դուրս գալը և մեր Հայաստանեայց Առաքելական Սուրբ Եկեղեցու քրիստոնեական դաւանանքի և հարապատ հոգևոր աւանդութիւնների վերակենդանացումը մեր ժողովրդի գիտակցութեան և առօրեայ կեանքի ոլորտներում՝ դիրին գործ չէ. մեծ և հետևողական աշխատանք է հարկաւոր՝ այդ հոգևոր ու բարոյական վերառողջացման և վերակենսաւորման անմիջականօրէն ստիպողական և անյետաձգելի առաքելութեան իրագործմանը համար:

Սեա թէ ի՛նչ մտահոգութիւններով և առաջադրանքներով, և սրանց հետ առնչուած բազում այլ վարչա-

կապմակերպչական, շինարարական, նորոգչական, մշակութային, հրատարակչական գործունեություններով ու հեռանկարներով առաջնորդուած՝ այսօր էս ողջունում եմ ձեզ հոգևոր և ազգային վերամորոգման և բարեկարգութեան տեսիլքը առաջարկելով և բացելով ձեր հայացքին որպէս Նոր Տարուայ և գալիք նոր տարիների ազգային-եկեղեցական կեանքի ճանապարհ:



Իմ հայրական խօսքն եմ ուղղում առաջին հերթին իմ հոգևորական կրտսեր եղբայրներին՝ եպիսկոպոս, վարդապետ, քահանայ, սարկաւազ սպասաւորներին: Ամենայն Հայոց Կաթողիկոսութեան Մայր Աթոռը իր հոգևոր և ազգային պատմական առաքելությունը ուժեղացնելու և արդիւնատրելու համար կարիքն ունի մեր բոլորի ամբողջական, անվերապահ և անձնապոհողական նուիրաբերման: Եղբայրներ, եկէք լինե՛նք հաւատարիմ մեր եկեղեցականի իսկատիպ ինքնութեանը: Ի՛նչ գեղեցիկ բառ է հոգևորական բառը, այսինքն՝ հոգիի՛ մարդ, Աստծու Ս. Հոգիին ճառագայթները ցոլացնող մարդ: Մեր երկնառաք Վարդապետի սրբախօս շրթներից արտասանուած բառերով՝ լինենք "աղ", որպէսզի մեր կեանք-խօսքը կարողանայ համ տալ մեր հաւատացեալների կեանքին, լինենք "լոյս", որպէսզի կարողանանք լուսաւորել մարդկանց կեանքի ճանապարհը (ՏԵ՛ս ՄՄՏԹ. Ե. 13-16): Թող վերանորոգութեան շունչը մեզնից սկսի:

Հայրապետական սիրոյ և հայրենասիրական նախանձախնդրութեան զգացումներով ողջունում եմ մեր հայրենիքի պետութեան բոլոր սպասաւորներին, Վսեմաշուք Նախագահին՝ Մեծայարգ Լևոն Տէր Պետրոսեանին, Ազգային Ժողովի բոլոր անդամներին, մեր Հայրենի Կառավարութեան բոլոր նախարարներին և իրենց օգնականներին:

Սիրելիք, պետութիւնը մեր ազգի կապմական, կառու-

ցային մարմինն է: Ողջ աշխարհում բոլոր ապգերն իրենք իրենց արտայայտում են պետական կառույցներով: Ես ապրել եմ ուրիշ երկրներում, եղել եմ այլ երկրների քաղաքացի: Տեսել եմ, որ ա՛յն ապգերն են տոկուն, բարեկարգ և ստեղծարար, որոնք գործել են - և գործում են - պետականության գաղափարով և պետական առողջ կառույցներով, ժողովրդի ապատկամքով, ի խնդիր ժողովրդի բարօրությանը: Մեր ժողովուրդը իր ինքնակառավարման համար ընտրել է ժողովրդավարական սկզբունքը: Մեր պետութիւնը, որպէս արտայայտութիւնը այդ ժողովրդի կամքին, իր գերագոյն կարելին ի գործ է դնում մեր ժողովրդի կեանքի պայմանների բարելավման համար: Ես լաւ եմ հասկանում այն բոլոր տեսակի դժուարութիւնները, որոնց միջից անցնում է մեր երկիրը, որպէս պետութիւն և ժողովուրդ, իր վերակառուցման այս վճռադրոշմ օրերին: Անցնող շուրջ մէկ տարուայ ընթացքում ես անձամբ հաստատեցի, որ հակառակ բոլոր տեսակի դժուարութիւններին և երբեմն ծանրակշիռ բնոյթ ունեցող տագնապալից կացութիւններին, մեր պետութեանը յաջողուեց քաղաքական, տնտեսական, ապահովական, ընկերային, կենցաղային, յարաբերական մարպերում խաղաղ և վարգացողական կեանքի պայմանները բարելաւել, նշանակալից յառաջդիմութիւններ արձանագրել ի շահ մեր հայրենիքին և ժողովրդին:

Բնականօրէն դժուարութիւնները ծանր են և բարդ տարողութիւն ունեն: Թերացումնե՞ր. անշուշտ որ կան. քննադատութիւնները բնական են և անհրաժեշտ: Դեռ հեռու ենք լինելուց այն, ինչ որ ցանկանում ենք լինել: Բայց հարկ է քննադատութեան մէջ նկատի ունենալ բաժակին թէ՛ լեցուն և թէ՛ դատարկ բաժինները: Բոլորիս համար հարկ է առաջնորդուել մեր երկրի պետականության ամրացմանը գաղափարով և նախանձախնդրութեամբ: Քաղաքակիրթ և առողջ ազգի յատուկ առաքինութիւն է այդ: Եւ մենք չենք կարող տարբեր մօտեցում ունենալ, քանի մենք մեզ դաւանում ենք որպէս աշխարհի քաղաքակիրթ ապգերից մէկին:

Հայաստանեայց Առաքելական և Ազգային մեր

Եկեղեցին կը մնայ պօրավիզ մեր պետութեանը, հայրենաշէն գործունէութեան բոլոր բնագաւառներում:

Յատուկ սիրով ողջունում եմ մեր Ազգային Բանակին, պատասխանատւութեան բոլոր աստիճանների վրայ: Հայրենիքի պաշտպանութիւնը մի ունէ երկրի և պետութեան ու ժողովրդի համար նուիրակա՛ն պարտականութիւն է: Բանակը մեր վահանն է, պահանդերձը: Ես ողջունում եմ բանակի բոլոր ղեկավարներին և այն քաջամարտիկ զինուորներին, որոնք Արցախի և Հայաստանի սահմաններում, տիւ և գիշեր, բութ ու բորանին, թէ կիպի, արևի ներքոյ, անձնապահութեան սքանչելի կեցուածքով անվտանգ պահպանում են մեր սահմաններն, որպէսզի մենք խաղաղ և ապահով ապրենք և ստեղծագործենք մեր հայրենիքի և Արցախի տաճարներում:

Ողջունում եմ ձե՛զ, հոգո՛ւ, մտքի՛ և սրտի՛ մշակներ, մտաւորական առաջնորդներ, Ակադեմիայի, Գիտութիւնների, Գիրի և Գրականութեան, Արուեստի բնագաւառների, Համալսարանի, Մատենադարանի, Ազգային Գրադարանի, Ինստիտուտների, Դպրոցների, Մամուլի ոլորտներում գործող եղբայրներ և քոյրեր: Քաջատեղեակ եմ այն նեղութիւններին, որոնք ձեր կեանքում և գործում ծանր են կշռում այս օրերին: Ես էլ, որպէս Եկեղեցու սպասաւոր, ինձ պզում եմ ձեզ հարապատօրէն հաղորդ: Հոգու, մտքի և սրտի սպասաւորներիս կոչումի և շաղուածքի մէջ բնական երևոյթ է տոկոմութիւն կոչուած առաքիներթիւնը: Չտարուենք սպառողական ընկերութեան յատուկ կենցաղային այսպէս կոչուած այն "առաւելութիւններից", որոնք հեշտակեցութեան մակերեսային երևոյթներ են: Տանենք մեր գործը մնալով միշտ հաւատարիմ ոգեկան արժէքներից ճառագայթող գոհութեան պգացումով և լինենք լոյսի և յոյսի առաքեալներ և ո՛չ թէ նեղութեան ու դառնութեան սոսիեր: "Հոգի՞ն է կենդանարար" ասում է Սեւտարանը: Պատմութիւնը վկայ՝ դիւրակեցութիւնը երբեք չի եղել իմ ու ձեր նախորդների կեանքի ուղեգիրը: Մեր ոսկեղէն

դարերը, մեր մեծ նուաճումները ծնունդ են տալիս ապալից կացութիւններից: Մնա՛նք պատնէշի վրայ, մեզ վայել բարոյական դիմացկունութեամբ և ստեղծագործական աշխատանքի յարաճուն վկայութիւններով:

Ողջունում եմ մեր ժողովրդի տառապանքներին թեթևացում ընձեռող բոլոր մարդասիրական և բարեգործական, խնամատարական հասարակական կապակերպութիւններին և բարերար անձերին, որոնք "Բարի Սամարացու" կերպարով և ոգով են գործում, հիւանդներին, որբերին, վիրաւորներին, տարիքաւորներին, հաշմանդամներին, բոլոր տեսակի ընկերային չարիքներից հարուածեալներին ցաւն են դարմանում, վիշտն են ամոքում, վերքերն են բուժում, սնունդ են մատակարարում, յուսահատութեան մթոթեան մէջ յոյս և յոյս են ցաթեցնում բոլոր կարիքաւորներին կեանքում: Ինչ որ անում են Աստծու որդիներին և հայրենիքի պաւակներին համար՝ աստուածահաճոյ գործ է և հայրենաշինական աշխատանք: Թող մարդուն համար տառապած և խաչուած Յիսուսը իր կենարար խաչովն օրհնի բոլորին՝ և՛ կարիքաւորներին և կարիքներն հոգացողներին:

Մարդասիրական և հայրենաշինական ու պարգացողական մարպերում ողջունում եմ "ՀԱՅԱՍՏԱՆ" Համահայկական Հիմնադրամի բոլոր անդամներին, մարմիններին և գործողներին, այն հաստատ համոզումով որ համահայկական իր նկարագրով Հիմնադրամը կը դառնայ համադրիչ ոյժ, համակարգիչ կառոյց և արդիւնագործաբար աշխուժացող գործօն մեր հայրենիքի վերականգման նուիրական առաքելութեան մէջ:

Ողջունում եմ ձեզ, հայոց նո՛ր սերնդի պաւակներ, երիտասարդներ, համալսարանների և ինստիտուտների ուսանողներ, դպրոցական աշակերտներ: Հայրենիքը ձե՛րն է: Նրա վերականգնումը և պարգացումը ձե՛ր ճիւղին պարտքն է: Նեղութեան այս ժամանակներին, դուք բազմապատկեցէ՛ք ձեր ջանքերը: Նեղութիւնը չի եղել մեզ ընկճելու համար: Դուք կաք նեղութիւնը ընկճելու համար: Այս թող լինի ձեր կեանքի նշանաբանը: Սիրտս հրճւում է, երբ տեսնում եմ ձեզ պա-

տասխանատուութեան պագումով լծուած ինքնապատրաստութեան լուրջ գործի: Միրոս խայտում է, երբ ամէն անգամ տեսնում եմ և լսում մանկանց երգչախմբերին և նուագախմբերին, և արուեստի այլ ելոյթներով աճող և հասունացող մեր սրատանիներին: Դուք կարկաչն էք մեր գետերին, ծաղիկն էք մեր ծառերին: Ապրէ՛ք, երեխէք:

Ողջունում եմ մեր հայրենաբնակ պարզ ժողովրդի բոլոր պաւակներին, անխտիր, աշխատաւորներին, որոնք գործարաններում են գործում, շինականներին, որոնք հողից կեանք են դուրս բերում, ճարտարարուեստի բնագաւառներում գործարարներին, որոնք արդիական ճարտարաշինութեան բարիքներն են տարածում մեր հայրենիքում, պաշտօնեաներին, որոնք հաստատութիւններում են գործում: Լինէք պարկեշտ, պարտաճանաչ, հաւատարիմ, աշխատունակ, ընտանեասէր, աշխարհաշէն և հայրենակերտ: Սա՛ է մեր հայի ճակտի գիրը: Սա՛ է եղել մեր պատիւը: Սա՛ է հանդիսացել մեր հայրենիքի անսասանութեան, պօրութեան և պարգացման աղբիւրը: Սա՛ է նաև լինելու մեր ապագայի յաղթանակի գրաւականը:

Մենք մեր ձեռքերովը, մեր քրտինքովը պիտի վերակերտենք, պիտի յարակերտենք մեր հայրենիքը: Դա՛ է իրական հայրենիքը՝ այսինքն "մե՛ր ճայրեցիքը": Դրսից, թէ՛ արտասահմանի մեր եղբայրներից և քոյրերից և թէ՛ մեզի բարեկամ ազգերից, պետութիւններից, Եկեղեցիներից, միջազգային տարբեր օգնութեան կազմակերպութիւններից գալիք օժանդակութիւնը չի կարող մեր ձեռքերին և քրտինքին փոխարինել. կարող է մեր ձեռքերին ոյժը և մեր քրտինքին հոսքը առատացնել: Ա՛յս է հայրենաշինութեան իսկական փիլիսոփայութիւնը: Թող մեր կեանքը լինի այդ փիլիսոփայութեան գործնական արտայայտութիւնը:

Իմ խօսքն եզրափակելով՝ ես շնորհաւորում եմ ձեր բոլորի Նոր Տարին:

Փա՛ռք Քեզ, Տէր Աստուած հարցն մերոց, որ 1995-ը մեր

Եկեղեցու, մեր ժողովրդի, մեր հայրենիքի և մեր պետության համար եղաւ մի խաղաղ տարի և յառաջդիմութեան մի նոր շրջան: Աղօթում եմ Քեզ, Տէ՛ր, որ 1998-ը լինի աւելի՛ պայծառ, հայրենիքը մնայ անվտանգ, Եկեղեցին՝ տոկուն և գործուն, պետութիւնը՝ ամուր և յառաջագնաց և ժողովուրդը՝ առաւել երջանիկ:

«Նորոգող հնութեանց,

Նորոգեա՛ և զմեզ,

Նորոգ զարդարեա՛»

ի նորացեալ հայրենի աշխարհս մեր, ընդ հովանեաւ ամենատես Աչաց Քոց, օգնականութեամբն ամենապօր Աջոյ Քո, և ի խնամս մարդասիրութեան Քո. ամէն:

ԳԱՐԵԳԻՆ Ա.

ԿԱԹՈՂԻԿՈՍ ԱՄԵՆԱՅՆ ՀԱՅՈՑ

Ս. Էջմիածին

1 Յունուար, 1998

